



2016

Athugið! «Ársyfirlit» í jarðsetningarskýrslukerfinu sýnir allar greiðslur frá KGSÍ til kirkjugarða frá 2010 og til presta frá 2012. Neðst á ársyfirlitinu má einnig sjá samandregnar niðurstöður um greiðslu umhirðugjalds og greftrunargjalds til viðkomandi garðs, ásamt greiðslum til presta og kirkjugarðasjóðs (8,5%). Upplýsingar um aukagreiðslur í janúar 2016 er þar einnig að finna og hlut kirkjugarðasjóðs í þeim greiðslum.

Upplýsingar um fjármál kirkjugarða.

Tekjakerfi kirkjugarða á Íslandi breyttist 1. janúar 2005. Frá þeim tíma hefur tvennt ráðið greiðslu til kirkjugarða:

a) **Umhirðugjald** (fermetrastærð grafarsvæða og fl. sjá neðar). **Umhirðugjald** er ekki áætlun heldur ákveðin krónutala sem greidd er á fermetra á grafarsvæðum. Þetta fermetragjald breytist samkvæmt þróun verðlags á milli ára. KGSÍ greiðir umhirðugjald mánaðarlega tvöfalt í febrúar og áfram til desember. Umhirðugjald er mismunandi hátt eftir flokkum enda eru mismunandi rekstrarþættir sem standa þar að baki. Í flokkum 1 – 3 er gjaldið nær eingöngu að standa straum af gróðurumhirðu en eftir því sem ofar dregur bætast fleiri rekstrarþættir inn, s.s. húsnæðiskostnaður, launagreiðslur, stjórnunarkostnaður o.fl. Orðið „umhirðugjald“ er að þessu leyti nokkuð villandi.

b) **Greftrunargjald** (grafartaka og prestsþjónusta). **Greftrunargjald** er greitt eftir að viðkomandi kirkjugarðsstjórn eða fulltrúi hennar hefur fyllt út jarðsetningarskýrslu og prestur útfararskýrslu og þær skýrslur hafa verið sendar inn á gardur.is. KGSÍ greiðir til kirkjugarða og presta 15. hvers mánaðar þær útfarir (jarðsetningar) sem fram fóru í mánuðinum á undan.

Þeir sem ekki hafa fengið aðgang að skýrslukerfinu hafi samband við Arnfinn R. Einarsson í síma 585-2721 eða Smára Sigurðsson í síma 462-2613.

KGSÍ greiðir greftrunargjaldið 15. hvers mánaðar. Dæmi: Ef jarðsett er í kirkjugarð 5. febrúar og jarðsetningarskýrsla og útfararskýrsla eru sendar inn fyrir 5. dag næsta mánaðar, í þessu dæmi 5. mars, greiðir KGSÍ viðkomandi kirkjugarði og viðkomandi presti 15. mars. Útfarir og jarðsetningar í desember eru greiddar 15. janúar.

2016

Brúttóframlag ríkisins til kirkjugarða landsins fyrir árið 2016 er **kr. 1.059.300.000**. Vegna erfiðrar stöðu ríkisfjármála hefur framlagið verið skert á árabílinu 2009 til 2016. Einingarverð umhirðu og grafartöku hefur af þeim sökum lækkað gríðarlega frá 2009 og þau standa ekki lengur undir útlögðum kostnaði við grafartöku og prestsþjónustu. **Hvernig skiptist framlagið? Kr. 775.407.600 fara í fastar greiðslur (umhirða) sem á að kosta rekstur kirkjugarða að undanskildum kostnaði við grafartöku og prestsþjónustu. Til greftrana og prestsþjónustu er varið kr. 155.081.520 og til bálstofu kr. 38.770.380 og í kirkjugarðasjóð fara kr. 90.040.500.**

Ársreikningar kirkjugarða. Gera skal grein fyrir tekjum og gjöldum á tímabilinu 1. janúar til 31. desember ár hvert. Samkvæmt fyrirmælum frá Ríkisendurskoðun þurfa kirkjugarðar að gera grein fyrir brúttóupphæð sem reiknuð er á hvern kirkjugarð og er framlag ríkisins. Er hér átt við að í ársreikningi

sé gerð grein fyrir því sem hver kirkjugarður fær í umhirðugjald + greftrunargjald + prestspóknun + framlag til kirkjugarðasjóðs (8,5% af heild). Þetta má glögglega sjá í «ársyfirliti».

Greiðslur 15. janúar 2016 vegna greftrana í desember 2015 eiga að færast sem tekjur árið 2015. Eins eiga aukagreiðslur í janúar 2015 vegna leiðréttingar reikniskekku að færast með árinu 2015. Gerð er grein fyrir þessum greiðslum í ársyfirliti garðanna á <http://www.gardur.is/kgsi/>

Komi greiðsla vegna greftrunar á nýliðnu ári inn á reikning kirkjugarðs eftir að búið er að ganga frá ársreikningi skal taka þá greiðslu með því ári sem greiðslan berst.

Vakin er athygli á því að nú er hægt að sjá greiðsluhreyfingar frá KGSÍ jafnóðum undir „ársyfirlit“ á slóðinni: <http://www.gardur.is/kgsi/> sem er sama slóð og jarðsetningaskýrslurnar eru fylltar út. Þar er hægt að sjá hreyfingar síðustu ára og þær færslur sem koma inn á yfirstandandi ári. Þar er einnig að finna greiðslu fyrir greftrun duftkera. **Af þeim sökum verða ekki gefin út sérstök uppgjörsbréf.**

Fjárhagsáætlun kirkjugarða 2016. Þeir kirkjugarðar sem gera fjárhagsáætlun eða greiðsluáætlun geta séð föstu greiðslurnar (umhirðuna) á slóðinni: [Umhirðugreiðslur til kirkjugarða 2016](http://www.gardur.is/kgsi/), bæði mánaðarlega og allt árið 2016. Einnig er hægt að sjá lista yfir flokkun kirkjugarða á slóðinni: [Kirkjugarðar og flokkar þeirra](http://www.gardur.is/kgsi/).

Hér fyrir neðan eru núgildandi einingaverð til kirkjugarða. **Vakin er athygli á því að grafartekjur hækka lítillega milli áranna 2015 og 2016. Þóknun presta við útfarir hefur hækkað gríðarlega á rúmlega 2 árum. Hækkunin nemur 67% á þessu tímabili. Kirkjugarðar landsins hafa ekki fengið aukið framlag vegna þessara hækkana. Síðasta hækkun nemur 25% og gildir frá 17. desember sl. og kemur því að fullum þunga inn á árið 2016. Þetta eykur enn á rekstrarvanda kirkjugarða og verða margir garðar að taka af umhirðugreiðslunum til að geta greitt verktökum fyrir grafartöku. Stjórn KGSÍ ritaði bréf til innanríkisráðherra í desember sl. og vakti athygli á því að kirkjugarðar hefðu ekki fengið aukið fé til að mæta þessum hækkunum. Svar hefur ekki borist, þegar þetta er ritað 11. febr. 2016.**

Gildir 2016	Umhirðutekjur á fermetra	Grafartekjur á gröf	viðb.fm. v/grafar
	<i>nettó (kr/m²)</i>	<i>nettó</i>	
Stærðarflokkur 1, 2	149	90.638	3
Stærðarflokkur 3	223	90.638	4
Stærðarflokkur 4	364	90.638	5
Stærðarflokkur 5*	517	80.748	5
Stærðarflokkur 6	617	80.748	7,5
Stærðarflokkur 7	617	80.748	7,5
Stærðarflokkur 8	768	80.748	9,5
Stærðarflokkur 9 og 10	768	73.243	9,5
Stærðarflokkur 11 duftker í þéttb.	786	42.757	1,5
Stærðarflokkur 12 duftker í dreifb.	Skv. stærðarfl.	59.292	1,5

*Dreifbýlisgarðar í þessum flokki fá greitt kr. 82.505 fyrir kistugröf.

Þeir sem vilja fá nánari upplýsingar um fjármál kirkjugarða geta sent inn fyrirspurn á tölvupóstfangið thrag@kirkjugardar.is og henni verður svarað eftir bestu getu. Einnig er hægt að fá upplýsingar í síma 585-2700 (Helga, Björn eða Þórsteinn).